
IV. Quidquod doctrina morum a *Jesu Christo* tradita præter ea, ubi legem mere naturalem eximie illustrat, novas homini christiano relationes, novas agendi regulas exhibet, quæ philosophorum commentationibus longe superiores *solius divini Magisterii beneficio* innotuere.

§. I.

GENERALIA MORUM PRINCIPIA.

V. Nomine LEGIS intelligimus normam, cui conformiter agere oportet: * generalissima divisione in *puram* et *adplicatam* abit: illa nudum volendi modum rationalem pro obiecto habet, ** hæc circa materiam aliunde datam versatur.

* Agendi necessitas, quam lex moralis enunciat, non est *physica* — secundum legem causalitatis naturalis per rationem theoreticam determinata: sed *moralis* enuncians *to* Oportet (ein Sollen) i. e. nobis qua rationalibus contradicimus, si stimulis sensualibus contra rationis vocem obsecundamus.

** Lex moralis pura secundum ductum categoriarum examinata *universalis* est, *plene determinata* et *determinans*,
absol-